

**17 OCTOMBRIE**

**RUGACIUNEA 2**

**SF.CUVIOASE**

**ALIPIA AVDEEVA DE LA PECERSKA**

**Молитва**

О, великая Церкви Христовой похвало, града Киева стено и утешение, преподобная мати Алипиие! К тебе припадаем и тебе молимся – буди предстательница наша ко Христу Богу неусыпная, яко веруем, аще будеши умолять Человеколюбца Бога, все будет даровано тебе из моря Его благости. И яко Бог человеколюбив есть, тако и ты, умоляемая нами грешными, не презришь прошения нашего, ибо сами мы по множеству грехов своих не имеем дерзновения. Твое дело, святая, ходатайствовати о грешных, дело Божие – миловать отчаянных. Испроси, преподобная, коемуждо по его потребе: В болезнех сущих скоро утеси и исцели, яко ныне во множестве исцеление соделоваеши - яко немья глаголати, слепыя видети, костьми поврежденныя от одра болезни восставляеши.

Все можеш испросити у Господа, преподобная, аще помолишися к Нему за ны.

Опухоли лютыя не быти соделай. Страждущим ожогами исцеление скорое подавай, якоже отроку болящему нощию явилася еси, молитве матери его внемлюще. Темже великое чудо исцеления всему миру показала еси.

В тяжции дни сии торжества беззакония и неправды, обиженным и неправедно осужденным, в темницах заключенным, зависти, лжи и корысти ради гонимым исходатайствуй избавление от клеветы и напасти, яко благодать ходатайствовати за оных сугубо подадеш тебе от Господа.

Супружества благие благослови и соедини.

Матерем детородящим подавай благополучное разрешение, сохраняя их и чады от всякаго вреда. Услыши теплую молитву родителей, скорбию о чадах истомленных, да чада их в сознание истины прейдут, избегнув сетей лукаваго, вечное спасение обрящут. Приими молитвы о родителях скорбящих чад их, да молитвами твоими свет Христова Евангелия познают. Такожде утешь безчадных и даруй им плод чрева, да новыя истинныя христианы

Господу представят твоим благословением и воспитанием материнским. Требуящим твоея помощи в совершении христианского брака послы благословеннаго от Господа спутника жития их, да попечением твоим Христу Богу принесут служение малыя церкви в союзе семейном. Наипаче же подавай мир, тишину и нелицемерную любовь, да будем истинныя ученики Христовы.

Предавшимся недугам пьянства и наркомании и неимущим силы духа оставити сие душегубительное беззаконие подай силу духа и просвещение ума, якоже явилася еси человеку, от пьянства смерть прияти имущему и благословением твоим исцелившемуся от недуга сего.

Одиноким и беспомощным низпосли твоими молитвами незримое от Господа утешение и познание истинной любви Христовой, да уведят, яко друзи наши - святии и ангели, невидимо соблюдают ны.

Прошения неимущих и страждущих приими и подай им своими молитвами нежданное попечение, яко да имут тя благодетельницу в земнем житии своем.

Малодушним, отчаявшимся в житии своем, буди утешительница скорая, якоже спасла еси жену, в скорби погубити себе умыслившую и отроковицу, в падении с высоты сохраненную от вреда. Темже души их от погибельных пучины избавила еси.

Такожде, молим тя, преподобная, от внезапных смерти сохрани, якоже отрока неврединно соблюла еси, удар страшный на дорозе приявшаго.

В учении пребывающим излей материнскую помощь и подай прибавление ума, да в нелегком течении учения своего пребывают безпечальны. В многоразличных житейских делах, бедах и трудностях подавай скорое устройство и благое сих завершение.

Услыши молитвы скорбящих о заблуждающих, кои пребывают вне спасительного ковчега Церкви Православной, да Господь Всеблагий имиже вест судьбами спасет их и приведет в познание истины Своея.

Воинам низпосли крепость и силу духа в совершении богоугодного служения своего, да сохранит их Господь от всякого зла.

Монашествующих настави право шествовати

путем Господним, укрепляя в подвизех и смиренном несении креста своего, якоже и ты подвизалася во спасение в любви ко Господу и людем Его.

Архиереом и священником подавай истинное стояние в вере православной, да стадо Христово пасут верно и нелицемерно, право правяще и непреткновенно пред Господом ходяще.

Начальником и влаstem мудрое народа нашего управление, да в союзе с Церковью страна наша пребывает в мире и тишине.

Отверзи нам молитвами своими двери милосердия Божия и избави нас от всякаго зла. Даруй нам избежати сетей лукаваго. Моли, преподобная, Милосерднаго Господа о нас, кающихся, да простит нам вины наши по множеству благости Своей. И даже до конца молитвами твоими сохрани нас неосужденными, да спасенные твоим ходатайством и помощью, всегда будем возсылать славу, хвалу, благодарение и поклонение Единому в Троице Богу, Создателю всех. Аминь.